



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno CCCCII. ad annum CCCCXXX.

Parisiis, 1644

Cl. Epistola totius Concilii Africani ad Bonifacium vrbis Romae episcopum.

urn:nbn:de:hbz:466:1-14918

CI.

E P I S T O L A

AB OMNI CONCILIO AFRICANO

AD BONIFACIVM VRBIS ROMÆ EPISCOPVM
per Faustinum episcopum, Philippum & Asellum
presbyteros, legatos ecclesiæ Romanæ, directa.

*Domino beatissimo d^o honorabili fratri Bonifacio, Aurelius,
Valentinus primæ sedis prouincia Numidiæ, & ceteri, qui
præsentes adfuiimus, numero ducenti septem & decem ex omni
Concilio Africæ.*

QUONIAM Domino placuit, ut de his, quæ nobiscum
egerunt sancti fratres nostri, coepiscopus Faustinus,
& compresbyteri Philippus & Asellus, non beatæ me-
moriæ episcopo Zosimo, a quo ad nos mandata & lite-
ras attulerunt, sed tuæ venerationi, qui in eius locum
es diuinitus constitutus, humilitas nostra rescriberet; ea
breuiter insinuare debemus, quæ vtrorumque concor-
dia terminata sunt, non ea quæ prolixis gestorum volu-
minibus continentur: in quibus, salua quidem carita-
te, non tamen sine paruo altercationis labore demora-
ti sumus, ea gestis delibantes, quæ nunc ad causam per-
tinent: quamquam & ille, si adhuc esset in corpore, hoc
acciperet gratius, quod videret pacatius terminatum,
domine frater. Apiarius presbyter, de cuius & ordina-
tione & excommunicatione fuerat exortum, non solum
Siccensi, verum etiam toti Africanæ ecclesiæ non le-
ue scandalum, de omnibus erratis suis veniam petens,
communioni est restitutus. Prior autem coepiscopus no-
ster Siccensis Vrbanus, quod in eo corrigendum visum
est, sine vlla dubitatione correxit. Quia vero paci &
quieti ecclesiæ non tantum ad præsens, sed etiam in po-
sterum prospiciendum fuit, quoniam talia multa præ-
cesserant, ut vel similia, veletiam grauiora deinceps præ-
caueri oporteret; placuit nobis, ut de Siccensi ecclesia,
retento scilicet honore gradus sui, presbyter remoueretur
Apiarius, & accepto epistolio, ybicunque alibi vellet &
posset, presbyterii munere fungeretur: quodeidē ipsi, per
literas proprias postulanti, sine difficultate concessimus.

Concil. Tom. 4.

Cccc ij

Cod. Can.
cap. 134.
De hac epi-
stola vide
notas Con-
cilii Carth.
VI.

De causa
Apiarii vi-
de quæ dixi
supra in no-
tis Concilii
Mileutani
II. & Car-
thag. VI.

Narratio
de legatis
Romani
pontificis.

Commoni-
torii con-
tentia quæ
fuerint?

Conc. Sard.
Can. 7.
Et 2. quæst.
6. Si quis e-
piscopus ac-
cusatus.

Sane, priusquam hæc causa isto termino clauderetur, inter alia, quæ diuturnis disceptationibus versabamus, quia rogatio ipsa poscebat, ut apud acta ecclesiastica a fratribus nostris Faustino coepiscopo, & Philippo atque Afello compresbyteris, quereremus, ut promerent, quidquid eis nobiscum fuisset iniunctum agendum, nonnulla quidem sine ullo scripto prosecuti sunt verbis: sed cum id potius flagitaremus, quod in literis ferrent, commonitorium protulerunt. Quod recitatum nobis, etiam gestis quæ secum ad vos deferunt, est allegatum. In eis quatuor quidem nobiscum agenda mandata sunt: Vnum, de appellationibus episcoporum ad Romanæ ecclesie sacerdotem: Alterum, ne ad comitatum episcopi importune nauigent: Tertium, de tractandis presbyterorum & diaconorum causis apud finitimos episcopos, si a suis excommunicati perperam fuerint: Quartum, de Urbano episcopo excommunicando, vel etiam Romam euocando, nisi ea quæ videbantur corrigenda, corrigeret. Quorum omnium de primo & tertio, id est, ut Romam licet episcopis prouocare, & ut clericorum causæ apud suarum prouinciarum episcopos finiantur, iam priore anno etiam literis nostris ad eumdem venerabilis memorie Zosimum episcopum datis, insinuari curauimus, ut ea seruare sine vlla eius iniuria paulisper fineremus, usque ad inquisitionem statutorum Concilii Nicæni. Et nunc de tua poscimus sanctitate, ut quemadmodum ea apud Nicæam a patribus acta vel constituta sunt, sic ea a nobis facias custodiri, & ibi apud vos ista, quæ in commonitorio attulerunt, facias exerceri: id est: Si episcopus accusatus fuerit, & iudicauerint congregati episcopi regionis ipsius, & de gradu suo deiecerint eum, & appellasse videatur, & confugerit ad beatissimum ecclesiam Romanæ episcopum, & voluerit audiri, & iustum putauerit ut renouetur examen, scribere his episcopis dignetur, qui in finitima & propinqua prouincia sunt, ut ipsi diligenter omnia requirant, & iuxta fidem veritatis definiant. Quod si is, qui rogat causam suam iterum audiri, depreciatione sua mouerit episcopum Romanum, ut elatere suo presbyterum mittat, erit in potestate episcopi quid velit, & quid aestimet. Et si

A.D. 31
Capit. 41.

ANNO CHRISTI 424 decreuerit mittendos esse, qui præsentes cum episcopis iudicent, habentes auctoritatem eius a quo destinati sunt, erit in suo arbitrio. Si vero crediderit sufficere episcopos, ut negotio terminum imponant, faciet quod sapientissimo suo consilio iudicauerit. Item de presbyteris & diaconibus: Si episcopus quis iracundus (quod esse non debet) cito aut aspere commoueatur aduersus presbyterū, siue diaconum suum, & exterminare eum de ecclesia voluerit: prouidendum est ne innocens damnetur, aut perdat communionem: habeat vero potestatem electus, ut finitos interpellet episcopos, & causa eius audiatur, & diligentius tractetur: quia non oportet ei negari audienciam roganti: & ille episcopus, qui aut iuste, aut iniuste eum reiecit, patienter accipiat, ut negotium discutiatur, vt aut probetur eius aut emendetur sententia. Hæc utique ad aduentum verissimorum exemplariorum Nicæni Concilii inserta gestis sunt: quæ si ibi (quemadmodum ipso, quod apud nos fratres ex apostolica sede directi, commonitorio allegauerunt) continerentur, eoq; ordine vel apud vos in Italia custodirentur, nullo modo nos talia (qualia commemorare iam nolumus) vel tolerare cogeremur, vel intolerabilia pateremur. Sed credimus, adiuuante misericordia domini Dei nostri, quod tua sanctitate Romanae ecclesiæ præsidente, non sumus iam istum typhum passuri: & seruabuntur erga nos ea quæ nobis etiam non differentibus custodiri debeant, cum fraterna caritate, quæ secundum sapientiam atque iustitiam, quam tibi donauit Altissimus, etiam ipse * prospicis esse seruanda, si forte aliter se habent Canones Concilii Nicæni. Quamuis enim plurimos codices legerimus, sed nunquam in Nicæno Concilio in Latinis codicibus legimus, quemadmodum in supradicto commonitorio, inde directa sunt: tamen quia hic in nullo codice Græco ea potuimus inuenire, ex orientalibus ecclesiis, vbi perhibentur eadem Decreta posse etiam authentica reperiri, magis nobis desideramus afferri. Pro qua re tuam quoque venerationem obsecramus, ut scribere etiam ipse digneris ad illarum partium sacerdotes, hoc est, ecclesiæ Antiochenæ, Alexandrinæ, & Constantinopolitanæ, & aliis, si etiam tu placuerit sanctitati; vt inde ad nos iidem Canones,

Ex Concilio Sardicensi, Can. 17. Et 1.
quæst. 3.
Si forte episcopus iracundus. Et in Decret. Iuo. lib. 3.

Cccc iiij

apud Nicæam ciuitatem a patribus constituti, veniant, te potissimum hoc beneficium cunctis occidentalibus ecclesiis in Domini adiutorio conferente. Quis enim dubitet exemplaria esse verissima Concilii Nicæni in Græcia congregati, quæ de tam diuersis locis, & de nobilibus Græcis ecclesiis allata & comparata concordant? Quod donec fiat, hæc quæ in commonitorio supradicto nobis allegata sunt de appellationibus episcoporum ad Romanæ ecclesiæ sacerdotem, & de clericorum causis apud suarum prouinciarum episcopos terminandis, nos vsque ad probationem seruatueros esse profitemur: & beatitudinem tuam ad hoc nos adiuturam in Dei voluntate confidimus. Cetera vero quæ in nostra Synodo gesta vel firmata sunt, quoniam supradicti fratres nostri Faustinus coepiscopus, Philippus & Asellus compresbyteri secum ferunt, si dignatus fueris, tuæ nota facient sanctitati. Et alia manu: Dominus noster te nobis annis plurimis custodiat, beatissime frater. Subscripte sunt quoque Alypius, Augustinus, Possidius, Marinus, & ceteri episcopi 217.

CII.

EPISTOLA
CYRILLI ARCHIEPISCOPI
ALEXANDRINI AD CONCILIVM AFRICANVM.

Authentica Concilii Nicæni, translata de Græco, per Innocentium presbyterum transmittit. Quæ, & etiam alia epistolæ, cum eodem Concilio Nicæno per memoratum presbyterum Innocentium & Marcellum subdiaconum ecclesiæ Carthaginensis sancto Bonifacio episcopo ecclesiæ Romanæ sub die vi. Kalendas Decembris sunt directa.

Dominis honorabilibus, sanctis fratribus coepiscopis, Aurelio, Valentino, sed & omni sanctæ congregationi in Carthaginensi Synodo congregatæ, Cyrillus salutans in Deo caritatem vestram.

Cod. Can.
cap. 155.

Scripta venerationis vestræ, multam habentia querimoniæ, cum omni lætitia per filium vestrum Innocentium presbyterum suscepi: quibus a nobis speratis, ut de scrinio nostræ ecclesiæ verissima exemplaria, ex au-